



ДАВЛАТИМИЗ РАҲБАРИ ОЗАРБАЙЖОН БИЛАН АМАЛИЙ ҲАМКОРЛИК КЎЛАМИНИ ЯНАДА КЕНГАЙТИРИШ МУҲИМЛИГИНИ ТАЪКИДЛАДИ

23 февраль куни Ўзбекистон Республикаси Президенти Шавкат Мирзиёев қўшма Худудлар форумининг биринчи йиғилиши ва Ишбилармонлар кенгашининг учрашувида иштирок этиш учун Озарбайжон делегацияси бошчилигида мамлакатимизга келган иқтисодиёт вазири, икки томонлама Ҳукуматлараро комиссия ҳамраиси Микойил Жабборовни қабул қилди.



Олий даражада эришилган келишувларни амалга ошириш масалалари кўриб чиқилди. Учрашув аввалида иқтисодиёт вазири Микойил Жабборов давлатимиз раҳбарига

Озарбайжон Президенти Илҳом Алиевнинг самимий саломи ва энг эзгу тилаklarини етказди. Суҳбатда автомобилсозлик, тўқимачилик ва ипакчилик тармоқларида кооперация

лойиҳалари жадал амалга оширилаётгани алоҳида мамнуният билан қайд этилди. Қўшма инвестиция жамғармасини тузиш тўғрисида битим имзоланмоқда. Нефть-газ

тармоғида, транспорт ва логистика соҳаларида истиқболли лойиҳалар тайёрланмоқда. Икки мамлакат ўртасидаги амалий ҳамкорлик кўламини, жумладан, амалга

оширилаётган маҳаллийлаштириш дастури доирасида янада кенгайтириш муҳим экани қайд этилди.

ЎЗА

ЎЗБЕКИСТОН ПРЕЗИДЕНТИ ТРАНСАФҒОН ТЕМИР ЙЎЛ ЙЎЛАГИНИ БАРПО ЭТИШ ЛОЙИҲАСИНИ ЖАДАЛЛАШТИРИШ ЗАРУРЛИГИНИ ҚАЙД ЭТДИ

Ўзбекистон Республикаси Президенти Шавкат Мирзиёев 23 февраль куни икки томонлама Ҳукуматлараро комиссиянинг навбатдаги мажлиси доирасида мамлакатимизда бўлиб турган Покистон Ислон Республикаси молия вазири, комиссиянинг Покистон қисми раиси Исҳоқ Дорни қабул қилди.

Ўзаро манфаатли ҳамкорликни янада кенгайтириш, энг аввало, савдо, инвестиция ва транспорт соҳаларидаги лойиҳаларни амалга оширишнинг амалий жиҳатлари муҳокама қилинди.

Исҳоқ Дор учрашув имконияти учун Ўзбекистон етакчисига миннатдорлик билдириб, Покистон Бош вазири Шаҳбоз Шарифнинг саломи ва энг эзгу тилаklarини етказди.

Учрашувда транзит ва преференциал савдо тўғрисида имзоланган муҳим битимларни амалга оширишга алоҳида эътибор қаратилди.

Бундан ташқари, ҳукуматлараро музокаралар кун тартиби доирасида иқтисодиётнинг турли тармоқларида аниқ кооперация лойиҳаларини илгари суриш муҳимлиги қайд этилди.

Давлатимиз раҳбари икки томонлама автомобиль қатновларини ривожлантириш ҳамда Марказий ва Жанубий Осиёни Афғонистон орқали боғлайдиган ва Покистон портларига олиб чиқадиغان темир йўл қурилиши лойиҳасини жадаллаштириш зарурлиги алоҳида тўхтади.

ЎЗА

Ўзбекистон Республикаси Президентининг ҚАРОРИ

ҚИШЛОҚ ХЎЖАЛИГИДА АҲОЛИ БАНДЛИГИНИ ОШИРИШ ВА ЕР УЧАСТКАЛАРИДАН САМАРАЛИ ФОЙДАЛАНИШ ЧОРА-ТАДБИРЛАРИ ТЎҒРИСИДА

Амалга оширилаётган ислохотларни изчил давом эттириш, ердан оқилона фойдаланиш ва кўп қаватли ишлаб чиқариш биноларини қуришни ҳамда худудларнинг sanoat салоҳиятини кенгайтиришни солиқ юкни пасайтириш хисобига рағбатлантириш мақсадида:

1. 2023 йил 1 апрелдан 2024 йил 1 майга қадар эксперимент тариқасида республика бюджетидан пахта ва (ёки) галла етиштиришга ихтисослашган фермер хўжалиқларига уларнинг ишчиларининг меҳнатга ҳақ тўлаш тарзидаги даромадлари бўйича тўланган жисмоний шахслардан олинандиган даромад солиғини бир вақтнинг ўзида қуйидаги шартларга риоя қилинганда қайтариб бериш тартиби жорий этилсин:

қишлоқ хўжалиғига мулкдорлардан ҳар бир гектар ер учун ойига камда бир нафар ишчининг бандлиги таъминланганда;

ҳар бир нафар ишчи учун ойига меҳнатга ҳақ тўлаш тарзидаги даромад меҳнатга ҳақ тўлашнинг энг кам

миқдорининг бир бараваридан кам бўлмаган миқдорда белгиланганда; пахта ва (ёки) галла етиштиришга ихтисослашган фермер хўжалиғи ўтган йил якуни бўйича Солиқ кодексининг 57-моддаси талабларига жавоб берганда.

2. Иқтисодиёт ва молия вазирлиги ҳузуридаги Солиқ кўмитаси бир ой муддатда республика бюджетидан пахта ва (ёки) галла етиштиришга ихтисослашган фермер хўжалиқларининг ҳисоб рақамларига уларнинг ишчиларининг меҳнатга ҳақ тўлаш тарзидаги даромадлари бўйича тўланган жисмоний шахслардан олинандиган даромад солиғини ҳисобот ойдан кейинги ойдан 25 санасидан кейин тўлиқ миқдорда қайтаришнинг автоматлаштирилган тизимини ишлаб чиқсин.

3. Белгилансинки, 2023 йил 1 апрелдан бошлаб тадбиркорлик субъектлари янги қурилган кўп қаватли ишлаб чиқариш бинолари, шу жумладан, 2023 йил 1 январдан кейин фойдаланишга

топирилган бинолар юзасидан (республиканинг шаҳарлари, шунингдек, Тошкент вилоятининг Зангиота, Қибрай ва Тошкент туманларида жойлашган бинолар бундан мустасно) юридик шахсларнинг мол-мулкига солинадиган солиқ бўйича ҳисобланган суммани уч қаватли бинога — 0,9, тўрт қаватли бинога — 0,8, беш қаватли бинога — 0,7, олти қаватли бинога — 0,6, етти ва ундан юқори қаватли бинога — 0,5 пасайтирувчи коэффициентни қўллаган ҳолда, бино фойдаланишга топширилган ойдан бошлаб 3 йилдан ортиқ бўлмаган муддатга тўлайди. Бунда, ушбу бандда белгиланган пасайтирувчи коэффициент:

маҳсулот ишлаб чиқариш бўйича фаолиятни амалга ошириш учун зарур

бўлган ёрдамчи хоналар билан (офис учун хоналар ва ўзи ишлаб чиқарган маҳсулотларни сотиш учун, касбни эгаллаш мақсадида ташкил этилган ўқув-ишлаб чиқариш хоналари ва ҳ.к.) бирга, агар уларнинг майдони янги қурилган кўп қаватли ишлаб чиқариш биносининг умумий майдонининг 20 фоизидан ошмаган бўлса;

ишлаб чиқариш мақсадларида бино бир неча хўжалиқ юритувчи субъектлар томонидан биргаликда фойдаланилаётган бўлса, бундай бинонинг ҳар бир мулкдори томонидан қўлланилади.

4. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов зиммасига юклансин.

Ўзбекистон Республикаси Президенти

Ш.МИРЗИЁЕВ

Тошкент шаҳри, 2023 йил 23 февраль

МУНОСАБАТ



ЮКСАК ЭЪТИРОФ ВА ЭҲТИРОМНИНГ ЯНА БИР ТАСДИҒИ

Миср Президенти Абдулфаттоҳ ас-Сисининг Президентимиз Шавкат Мирзиёевни аэропортда шахсан самимий қучоқ очиб қутиб олишидан тортиб, ташриф давомидаги ҳамроҳлиги ва кўрсатган юксак эҳтиромини кўриб тўлқинландик. Ана шу кузатишлар натижасида кўнгилдан бир қатор ўйлар ўтди.


Давоми 2-бетда

ҚАРОР ВА ИЖРО

ЯНГИ ЎЗБЕКИСТОНДА ЯНГИ ҚАШҚАДАРЁ БЎЙ КЎРСАТАДИ

Янги Ўзбекистонни барпо қилиш йўлида барча соҳаларда катта-катта марраларни кўзлаб, изчил ислохотлар кечмоқда. Бу шунчаки оддий гап ёки муболага эмас. Қилинаётган ишларнинг самараси ҳар бир манзилда намоён бўлмоқда. Айниқса, ҳокимият вакиллари тобора халққа яқин бўлиб, уларнинг дардида қулоқ тутиб, ўрганишлар олиб бориши натижасида худудлар ободлиқка, фаровонлиқка юз тутмоқда.

Давоми 3-бетда



ТАҲЛИЛ ВА ТАҚҚОС

ОРОЛНИНГ ЯШИЛ "ҚАҚҚОНИ" ЭКОЛОГИК ҲОЛАТНИ БАҲАРАШТИРИШ, ОДАМЛАР ҲАЁТИНИ ЯХШИЛАШГА ХИЗМАТ ҚИЛАДИ

Шу кунларда Орол денгизининг қуриган тубида саксув экиш ишлари олиб бориляпти. Бу Оролбўйи минтақасида экологик вазиятни яхшилашга қаратилган тадбирларнинг узвий давоми ҳисобланади. Режага кўра, жорий йилда 100 минг гектар майдонда "яшил қопламалар" барпо этилади. Бунинг учун жами 420 тонна саксув, қандим, қорабуроқ каби чўл ўсимликларининг уруғлари тайёрланди. Уларни сепиш ва экиш ишлари Фавқуллода вазиятлар вазирлиги ва ўрмон хўжалиқлари ишчи-мутахассислари, ихтиёрий равишда қатнашаётган аҳоли томонидан зарур техника-механизмлар ҳамда самолётлар ёрдамида амалга оширилмоқда.

Давоми 4-бетда

